

14 Mathavlt 1614 (27)

LIBRE

3078

HARANGVE

faiçte par MATHAVLT  
en la presence de Mon-  
sieur le Prince en son  
Chasteau d'Amboise, &  
le seiziesme iour de  
Iuin 1614.

*Quidquid delirant Reges, plectuntur Achiui.*

---

M. DC. XIII.

Handwritten notes in the bottom right corner.

L I B R E  
H A R A N C V E  
faisit par MATHAVIT  
en la p... de Mon  
leur le Prince en son  
Chastell d'Amboise  
le treizieme jour de  
Juin l'an 1514

*LIBRE HARANGVE  
FAICTE PAR MATHAVT.*

**O**R ça , mon Nepueu , I'en appelle à toy-mesme, maintenant que la cause principale est vuidee , & que ton humeur pugnitiue qui faisoit n'aguieres courir bestes , & gens, s'est veüe à la fin appaizee: ores que le cas est en feurté (Dieu-mercy, & le bon ordre que nous y auons mis, la seure-garde des Villes, & l'amour cordial de nos Parisiens, enuers mon petit Maistre: que le Contract de paix, sans qu'il y ait eu de Guerre est signé & guarenty, que tu es enuoyé hors de Cour avec despends moderés à la somme, &c. tant pour tes peines, courses, & vacations, que pour tes Complices, alliés, &c. Que partie d'iceux, sans prejudice du surplus, sont de retour à Paris: que ceste enfileure de Soldats affamez qui ont gaullé toute la Champagne, & la Picardie à ecclipsé: que tes grands desseings ont resté sans effect, tes beaux pretextes sans fondement, & ceste sainte volonté de tout reformer, ou de tout posseder est demourée sans pouuoir. Je te demande en demandant, comme le Roy fist à son Sergent, & la Royne à son Amant, dy-moy franchement mon petit Reformateur (ainsi que tu sçais que ie t'ayme) & pour la gentillesse de ton esprit, & par ce que tu sors de mon feu frere Henry, & que tu es vn autre luy-mesme reserué que tu n'es pas Roy, & que tu es hors du danger de l'estre, suiuant la prediction de Morgat sur le signe Zodiac de Gemini,

Par ta foy en bonne eschole, n'as-tu pas eu tort  
 Viens-ça, quelestoitle but, & la fin ou tu ten-  
 dois? A quel propos de s'esloigner ainsi, & de  
 fuyr l'orizon de mon ieune maistre, & de t'oppo-  
 ser au repos, & au doux contentement de ma seur  
 Marie qui t'auoit porté tout & grand en l'aduan-  
 cement de tes affaires, affranchy de debtes, purgé  
 d'hypotecques, logé en Prince en la ville, & aux  
 champs, esquippe, meuble, bague, & releué d'v-  
 ne apparente pauureté pour t'enrichir en peu de  
 temps: Et en contr'eschange de ces bien faicts tu  
 as voulu subtiliser sur l'Histoire de ses actions, re-  
 mué la corde de sa vie & de ses cōportements &  
 tasché a troubler le calme de son veufuige par le  
 vent de quelques pretendues faultes legeres, les-  
 quelles au temps qui court sont moings que rien,  
 & faisant vne cotte-maltaillée de tout le passé, &  
 vn pot pourry de ce qui est de bien, & de parfaict  
 avec ce qu'il y a de mal-mis, il se trouuera qu'on  
 luy deura du retour, & qu'elle sera en fin plus di-  
 gne de loüange que de blâme: Pauure Prince: ou  
 vaquoit ton jugement: mais ou vaque-il encor'à  
 present de t'absenter du bel Orient de mon Loys,  
 pour te precipiter d'ans l'Occident des folles im-  
 pressions, enclouëures, & vaines esperances d'vn  
 viel routtier de Mareschal qui n'auant plus de cre-  
 dit ny en Paradis, n'y en Enfer, & le trouuant fu-  
 sté iusqu'à la lie parmy ceux de sa croyāce mesme  
 qu'il a souuent trompez, a voulu iouer a bander,  
 & a racler, se seruant de ta primauté comme d'vne  
 marotte pour se faire employer, & randre neces-  
 saire aux despens de ta ieune reputation.

Tu n'aspirois pas a estre Roy: Car si l'on iuge

des souhaits par les euenemens qui en reussissent, seroit estre mauuais Archer d'auoir visé a vn grand & plantureux Royaume pour n'emporter a la fin qu'vne biccoque : Ce promettre & dire Roy de France en Ideé, & en effect demeurer concierge, & comme depositaire pour vn temps d'vne place qui a esté l'azille des desesperez, & coupe-jarrets, & tenu lieu de recompence a gens de peu, seroit mal pour suiure sa routte encommencee, seroit desmentir a bon escient ses premieres pointes, seroit imitter des Anglois qui se contentent des Fleurs de lys en peinture, & d'estre Roys de France en l'inscription de leur monnoye, laissant par force le gouuernail & libre iouissâce du Royaume a leurs curateurs qui en prennent la charge par deça, & se contiennent au reste dans le destroit de leur isle marescageuse: ie ne me puis persuader, quelque chose que veillent dire au contraire les bônes femmes de Champagne, aussi bien n'en parlent elles que par passion, memoratiues de leur deffunctes meres vaches & de leur ieune fruit qu'vn mauuais vent de Mars a faict expirer auant leur destinees, & ont seruy d'hosties pour appaiser les entrailles impatientes de faim de ta gendarmerie, non ce desir n'a iamais monté dans le grenier de ta pensee, car par la caue & salle basse de tes accords, Articles, & traitez, il est aisé de iuger que le frontispice, & la superficie de tes premieres intentions ne furent onc bien releuees, & par des fondements, & des pillotis si fresles l'on a peu inferer que l'œuure ne seroit iamais grand. Tant de bruit pour si tost s'apaiser, vn feu si vif, & si tost amorty, vn orage si violent suiuy d'vn

si grand calme, vne composition si prompte, si vile, & si peu aduantageuse ( quelques deputez que tu eusses pour fauorables ) me font vn assez fort preiugé de ton innocence de ce costé la: Et puis tu scauois l'humeur de nos François d'aujour-d'huy qui ne veulent point de Roys que de legitimes qui soient de la qualité requise, & qui ayent en foy toutes les parties cotees dans l'ancien Cahier de la loy Sallee: Tel est mon petit maistre, pour tel nous le recognoissons, & comme tel nous l'aduouïerons pédant qu'il viura, afin que personne ne s'y affronte plus: & puis au deffault de luy, nous auons *supplementum supplementi*, c'est mon petit Soubs-Maistre qui est si poupon & si godin, ie ne le voy fois avec sa belle, & agreable gouuernante de Mongla, qu'il ne me laisse tousiours dans le secret de l'ame quelque fresche marque de son amour, tant il est aymable, & attrayant: par saint Iean s'il vit, comme il y met assez bonne peine, graces a Dieu & a son bel appetit, sera vn terrible couillard, & vn estrange senault, il porte bien trongne cas aduenant de deffendre son pail-ler, & ses bribes.

Mais tu as peut-estre iugé la France vn trop lourd morceau au calibre de ton estomach, c'est pourquoy proportionnant les choses à la capacité des personnes, & voulant faire par les parelles, par le menu & en detail ce qui estoit fort mal-aysé d'executer en bloc, tu te fusses contenté d'estre nommé Roy de Paris, & faisant reuiure l'ancienne Oligarchie, Monsieur de Mayenne, l'vn des partisans, eüst bien eu espauls pour porter la Souueraineté de Soissons en qualité de Roy. Mon-

fleur de Neuers consequemment eust prins a gré  
 qu'on luy eust seruy à l'entree de table , & pour  
 appaizer la grosse faim , les Comtez de Champa-  
 gne , & de Brye en propriété , avec vn Salmigon-  
 din de hault goust à son desert , du Royaume  
 d'Orleans, Il eust esté honnestement fondé pour  
 toute son année , & bien approuitionné de bleds,  
 & de vins, & si il n'eust eu du largue que trop pour  
 exercer ses metys , & ses lyces à la chasse du lie-  
 pure ; qui foisonne en ce pays-là : Monsieur de  
 Longueuille se feust tenu sans escarter au plain  
 possessoire, & propriété de Picardie, y annexee la  
 Royauté de Mets sans Lorraine , si Messire Iean  
 de la Vallette, Colonel, &cetera, eust voulu du-  
 rer, mais il ya de l'apparence qu'il soit trop fin le  
 bon мэдрé de permettre qu'un ieune Leuron luy  
 courust sur ses brisees: Monsieur de Vadosme eust  
 supplé au deffault , & mieux prins son pair sur  
 le fait des Prouinces Armoriques, que ne fist ia-  
 dis son deffunct beau pere, Car il se feust en peu  
 de temps au moyen de ses fortifications, retran-  
 chements, & piccoureux, non obstant les deux  
 Espines qu'il a dans le pied, & tous empescheméts  
 à ce contraires, emporté Nantes, de haute luitte,  
 & faict proclamer sans contredict grand Duc de  
 la petite Bretagne: L'on sçait assez & de bōne part,  
 les pourparlez que vous auez eu ensemble sur ce  
 subject, ie dis mesme depuis les Articles de paix, si-  
 gnees, & publiees, & les aduis que tu luy as don-  
 nez de tenir bon, & de faire sa condition meilleu-  
 re. I'eusse moy-mesme prins la peine d'aller le trou-  
 uer pour luy en dire trois mots à son prouffit, &  
 luy remonstrer le tort qu'il se faict, ie croy qu'il

l'eust prins en bonne part, mais il y a quelque petite difficulté indecise entre Messieurs de Nantes, & moy, qui me firent l'honneur il y a quelque tēps de me faire aduertir par sept notables Bourgeois en corps de non plus aller, ny trafiquer en leur Comté pour quelque mauuais air qui court en ce pays-là fort contraire à ma santé : Monsieur de Rets eust brouillé la carte, & trouué inuention de se placer en quelque recoing des Isles, ou vers le bas Poictou, & ce fust en peu de temps remplumé de la perte qu'il fist en ceste ville de ses pistolles & Iacobus. Le sieur de Bouillon pour le prix de sa consultation & son bon conseil eust trouué quelque mechant party a quoy passer le temps parmy les Reformez s'ils l'eussent voulu receuoir, & se confier en luy, sinon il n'est point homme si ceremonieux ny tant affectionné au PATER en François qu'il ne tournast cassaque a la premiere commodité : Le reste des Seigneurs, & gentils-hommes se feussent partagez chacun à sa proximité & bien-seance. Mon petit maistre n'eust eu cependant du loisir que trop d'aller ce promener en Italie, voir le pays, visiter ses parents vtérins, & recongnoistre les terres, & cheuances de sa mere, qui ne sont pas grandes, attendant sa maiorité, & le compte des biens que vous luy eussiez gardé. Mais cependant tout ne se fust peu faire sans guerre, la guerre ne se peut faire sans argent, argent est rarement avec vous autres, & faulte d'argent vous auez consenty la paix. Le Soldat, & la noblese, qui sous l'esperance de buttinier, s'estoit saignée iusques au vif, se trouuant sans solde vous eust abandonné, maudit, & maudira és siecles.



des siècles pour toute assistance. Le peuple d'ailleurs qui voyoit clair dans vostre mommerie comme dans le iour, n'a rien tant en horreur que la guerre, il n'y a pas iusques aux chambrières de cuisine de Paris qui disent qu'il faut noyer les premiers Autheurs de la Guerre, si ce n'est contre les Huguenotz, & qu'en ceste consideration elles engageront plus volontiers leur demy-ceint d'argent pour contribuer aux frais de la guerre, que ne firēt leur camarades pour tirer à la blanche, & puis le vray, & naturel François qui a accoustumé la domination d'un seul, & qui s'y trouue encor assez empesché, ne se pourroit iamais assubiectionner à tant de Royetelets, il ne traueille que trop en l'estretement d'un Roy, sans en nourrir, & souffrir plusieurs qui seroit un surcroist de ruyne, & de mal-encontre, au pauvre peuple assez mes-hayné, & pressouéré par ailleurs dans la cuue de souffrance, & de paureté. De mode que de ce costé là vous n'eussiez non plus trop bien parez.

Que pensois-tu donc faire? Ton manifeste parloit de refformer l'estat, de corriger les abus, refrener les despences superflues, & de maintenir le bien public: par nostre Dame, tu nous la baillois belle, ie m'en fieriois bien en vous autres, la procedure que vous auez tenue en ceste action, la forme dont vous auez vŕé, & la fin qui s'en est ensuiuie, ont tesmoigné vos zeles & deuotions reformatiues: Vous auez ressemblé les maçons del'E-uangile qui commancerent un bastiment pour ne le pas paracheuer: Mais appelez-vous reformer l'estat que de viser à tout perdre, & à tout ruyner? Est-ce corriger les abus que de lacher la bride à

toute sorte de maux? Piller la bonne femme, brusler son taudis & son grabat, courir sa poule, escorcher ses mouttons, estropier, desmantibuler, tuer, mettre a broche cul les subiects de mon petit maistre, & gauler toute la Champagne, la Picardie, & terres adjacentes? Par la mort-bieu, vous estes de beaux correcteurs, & reformateurs de merde, il n'y en a pas vn de vous autres qui n'eust encor besoing d'estre catechisé, & qui ne meritaist la discipline, & n'y a pas dix ans que le plus aagé de vous, mangeoit encor dans l'escuelle des petits chiens de la maison, & crachoit des fesses dans le mouche nez du derriere, & de mon temps l'on en fouettoit au College de Nauarre de plus sages, & plus aduisez que vous autres: Et vous parlez de sia de refformer chose a quoy les plus pommez se trouneroyent perplex, & que trop occupez: N'a garde que ceux qui ont du Saturne dans la ceruelle, & le vaisseau de la raison bien timbré, se soient tant oublié de se ranger de vostre bord: Les Sieurs de Guyse, de Brillac, d'Espéron, & quelques autres du viel crespine, auoient bien mieux ioué leur roollet sans se remuer, que vous tous, & si ils se fussent plus à point seruy du vent, s'il eust esté fauorable, & peut-estre mieux & de meilleure grace iouy de la proye sans mot dire que vous, auectout vostre bruit: Ils ont fait comme ceux qui se messent de bailler leur argent a la poste à trois dets, chez Madame de Santeny, ou bien à ceux qui risquent à la mer, qui sans s'exposer au peril du voyage, & sans quitter terre ferme s'ont asseurez du profit, & exempts de la perte, s'il y en a: Mais Dieu quitout congnoist a tout fait pour le

mieux vous ostant, & les vngs, & les autres hors de peine, & d'interest pour ce regard.

Le voy, tu te voulois opposer ( & pour cause dis-fois-tu ) aux Bannies, & Mariage de mon petit Maistre: par saincte Marie tu eusses tiré hors d'vne grande peine, & perplexité, Messieurs les Liffreloufres de la Rochelle, Montaulban, & *Reliqua*, si tu eusses peu jnterrompre le cours de ces Noces dont ils redoubrent le retour autant, ou plus que ne firent leur Ayeulx martyrs, de celles de sainct Berthelemy: ie ne scay ce. qu'ils ne donneroient point a celuy qui se vanteroit de leur noüier l'esguillette le jour de leur Espouzailles, ils craignent a merueille que l'on fasse entrer le Christianisme de mon ieune maistre, dans la Catholicité de ma petite Maistresse d'Espagne, & apprehendent plus les benedictions Nuelles de Madric que les maledictions, & Excomuniés de Rome, & disent tout-haut en leur Consistoire quel air d'vn branle guay de Poictou ou bien vne gaillarde du pais Donix leur sont plus agreables que n'est le chant lugubre d'vne Sallabande a l'Espaignolette: Mais en vain tu te fusses traueille, cher Nepueu, Car il fault bon gré mal-gré qu'ils boyuēt ces douleurs, il fault tost ou tard que nous voyons des eaux de mon petit maistre: L'amour qu'il porte a sa maistresse est desia trop allumé pour le pancer esteindre, il en a maigry, depuis quelques jours en ça, & desseiché a veüe d'ocil, & les lys de son beau visage ont terny par la chaleur du grand Amour qu'il luy porte: Les Medecins tiēent qu'il sera d'vne Amoureuse complexion, & d'vne merueilleuse execution

Verale fils de son pere de ce costé la : pour la mere ie n'en puis que dire , c'est vng mystere bien secret, & qui passe au de la de ma science, tant y a qu'il brusle d'impatience de la voir , & l'em-brasser , & au deffault de la viue piece il en porte l'image , & le pourtraict suspendu dans le col en guize de chemise de Chartres , vouldrois tu donc estre l'instrument & la cause ( ie dis mesme quand tu le pourrois faire ) de separer , & dis-ioindre deux ieunes ames si estroittement lieës d'une amitié reciproque , & de dissoudre les proiets de l' Alliance de France & d'Espagne , estant obligé a l'une par la nature , & a l'autre par les bons offices , & le droit d'hospitalité que tu receus d'elle en ton exil volontaire, t'ayant seruy d'honeste retraicte , & d'un a-bry contre les ardentés & violentes chaleurs d'un astre & puissance souueraine: Encor en sçay-ie bon gré au Sieur de Mayenne d'auoir recognu sa faulte de bonne heure , son feu pere en fist de mesme , se rendant des premiers: aussy n'estoit il pas beaucoup sceant en luy d'en auoir esté le premier Ambassadeur & truchement pour par apres faire le pro & contra , & venir a s'entretailer.

Les immenses donaisons & liberalitez desreiglees cottes en marge dans le beau semblant de vos raisons raisonnantes me semblent encor assez maigre subiect de remuëment : la bonne Dame s'est honnestement & suffizament purgée de ceste accusation , & iustifiée de tout soubçon par escript , & par l'Apologie des Missiues qu'elle t'a fait tenir: ie neveux entreprendre ny de la deffandre apres rant d'esprits releuez qui ont presté la main a ces escripts , ny de la blasmer aussi, car l'un seroit pre-

sumption, & l'autre vne temerité trop grande: l'Histoire au reste de tout cela en est fort longue, & le style trop relleué pour moy, ces matieres fort profondes, les questions pleines de droit ou ie m'entends fort peu, ie me noye, ie me perds en vne mer, & vn abyfme si vaste, & dont l'on ne peut trouuer le profond non plus que du puits de Democrite, ie m'esgare dás la largeur de ses parterres, & n'ayant iamais habandonné les bornes de ma nayffance ie ne me congnois point en ces marchandises Estrangeres, c'est pourquoy ie demeure muet sur cet article qui me semble vng peu trop chatouilleux, laissant le reste à ce qui est de la verité plus forte que la force mesme.

I'y suis, i'ay trouué à la fin l'origine, la source & la cause de ta cholere, ie voy l'endroit ou il vous demangeoit, il y a grande apparence veu ton humeur, qui est extremement auare que tes fins ne tendoient qu'a auoir de l'argent, & que tes beaux desirs n'estoient portez que vers l'Orient de la Bastille qui s'en va fort desorientee graces à Dieu, & la vostre: Cela estoit pourtant desmentir vos propositions, & manifeste, qui ne promettoyēt rien que du soulagement, & que pour le bien public tu te chastierois toy mesme & remettras tes pensions ordinaires, & en effect l'on a remarqué tout le contraire: Il ne falloit point tant de façon pour en auoir, & de beau & de bon, vous en sçauiez le moyen, & les mots qu'il y falloit dire pour en attraper, il n'estoit point de besoing de prendre vng si long chemin pour aller dans le magazin de l'Arsenac, vous n'en sçauiez que trop bien, la route & ne m'estonne pas si

vous appelez ma sœur prodigue, il n'y a personne qui en puisse mieux tesmoigner que vous, mais pour continuer il falloit mieux cherir, & n'abuser pas de ceste occasion, sçavez vous ce que vous auez practiqué en vsant comme vous auez fait: vous auez fait comme la bonne vieille d'Esopé qui coupa la gorge a sa poule qui luy faisoit tous les matins vne rente d'vn œuf dor, croyant qu'au dedans elle fust tout or, & n'y trouuant rien autre chose que l'ordinaire des autres poules se trouua tareé, & deceuë en ces folles opinions.

L'Espérance que tu as eue de t'enrichir en gros & tout a coup, & d'estre comme vn autre Midastout or & tout azur depuis les pieds iusques au sommet de la teste, t'a fait en destail (pensant estreindre, & iouir d'vne Iunion en grandeur) n'embrasser qu'vne nuë, & vne bouffée de vent: tu t'es rendu peu fauorable l'astre lumineux qui t'esclairoit le chemin des indes Orientales, tu as voulu heurter l'integrité, & capacité de ma sœur, qui estoit ton Perou, ta mine d'argent, ta vache a lait, ta mere nourrice, en vn mot a l'appetit, de quatre cens cinquante mil liures a vne fois payer tu as affranchy, & amorty a vil prix vne rente annuelle, & feodalle, & des pensions inestimables, le tout a ta priere & requeste & suyuant tes offies, dont il y a acte, ce faisant tu n'auras de quoy te plaindre, ayant esté le premier Autheur de retrancher les liberalitez, & appoinctemens extraordinaires, Pour moy ie ne sçay pas qui a esté de ton Conseil, mais soubs sa correction, i'eusse mieux aymé me tenir a ce que i'auois, & d'estre enuoyé sans despends que de me

monstrer percé a si bas prix, & m'asseure que si tu eusses voulu tenir bon, & roidir en premier Prince que tu es, les Sieurs de Vantadour, ton frere par alliance, & le President Jeannin porté a ton bien, eussent fait ta condition meilleure: & suis d'aduis que pour mieux faire tu obtiennes lettres en Chancellerie afin de cassation fondees ou sur precipitation, ou sur deception d'oultre moitié de iuste prix n'estoit vn inconuenient qui est, que tu n'as par la garde des Seaux beaucoup pour fauorable.

Te n'y voy de remede qu'un qui est que tu vienes toy-mesme plaider ta cause a Paris, le Soleil de ta presance fera plus en vne heure que tu ne pourrois faire en vne année entiere par procureurs: Reuiens donc mon petit Refformateur, & ne nous remets point le Karesme si haut, c'est folie d'attandre la tenuë des Estats dont l'issuë ne pourroit apporter que bezanne a quelques vns, l'ouy dernièrement chanter en Rytme par vne chambriere qui passoit deuant mes fenestres en la ruë de la Ferronnerie ce petit quolibet, mais qui va bien loing:

*Qui aura vn bon sens*

*Pas il n'yra a SENS*

*Car à dire en bon sens*

*Aucuns y perdront le sens.*

I'ay autre fois esté en paradis, & feurté moy indigne tous les plus beaux secrets qui s'y remarquent, ie ne dis mot, mais que l'on me croye, & l'on fera que sage. Viens mon Prince, afin que ie

ne t'amuze plus de discours, reuiens à Paris qui t'attend à bras ouuerts, *tanquam terra sine aqua*. Ma sœur te prendra a mercy, elle est bonnasse, le feu Roy luy mit la clemence dans le ventre, elle ne fust iamais si tost prompte à te donner, qu'elle fera à receuoir de toy l'hommage que tu luy feras: si inclinant a ma requeste, il te prend en fantaisie de retourner, tu auras plus faict pour moy que pour Monsieur du Perron quelque persuasif qu'il soit, & ie t'auray l'obligatiō d'une paire de souliers que Messieurs les Artisans de Paris m'ont promis, aussi en ay-je bien affaire, car les miens ont perdu la ceruelle en te venant trouuer: le m'en vay cependant donner ordre a ton entree qui ne sera pas grāde, car ie preuoy que tu voudras entrer de nuict, & feray prouision d'une petite porte de derriere pour te receuoir. A Dieu cependant & me pardonne si i'ay si librement parlé, mon naturel est ainsi fait, & puis l'intitulé de ce discours le promettoit, ie te suplie en reuanche de ce commande ceans que l'on me verse à boire: car ie l'ay quelque peu merité.

D I X I.





